



Sermon
Kxf. Dr. Numlaajtsheb Yaaj

“**Nej Yuavtsum Coj Raws Li Tej Lus Uas Kuv Qhia Rau Nej**”

Fourteenth Sunday after Pentecost
Our Savior Lutheran Church
8-29-2021

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Kevcai 4:2, “Do not add to what I command you and do not subtract from it, but keep the commands of the Lord your God that I give you – *Nej Yuav Tsum Coj Raws Li Tej Lus Uas Kuv Qhia Rau Nej, Nej tsis txhob ntxiv ib lolus rau tej lus uas kuv hais tseg rau nej lossis rho ib lolus tseg li.*” (NIV). Nov yog Vajtswv Txojlus. (Cross-reference – Tshwmsim 22:18-19, Kevcai 1:3; 4:5, 14, 40; 12:32; 33:4, Nkauj Qhuas Vajtswv 78:7, Pajlug 30:6, Tejlus Qhia 12:13, Yelemis 26:2)

Illustration “Law” (Show Police Car)



Thaum twg tus tub ceebxwm tso nws lub teeb liab teeb xiav raws koj qab vim koj ua tej yam tsis raug cai lawm koj yuavtsum tau nres koj lub tsheb. Thaum tus tub ceebxwm los txog ntuas ntawm koj lub qhovrais, nws thawj lolus nws nug koj, koj haistias, “May I see your driver license and registration – *Kuv thov saib koj daim ntawv tsavtshab thiab daim ntawv rau lub tsheb.*” Thaum koj cev tej no rau tus tub ceebxwm ntawd tag lawm, tus tub ceebxwm rov hais dua rau koj haistias, “Do you know why I pulled you over – *Koj puas paub haistias, kuv thiaj li kom koj nres?*” (Show Police writing a ticket)



Feem ntau peb ibtxhia paub haistias, peb ua txhaum txojcai ces peb teb haistias, “I drove too fast – *Kuv tsavtshab ceev dhau heev lawm.*” Ibtxia yuav teb haistias, “I don’t know – *Kuv tsis paub.*” Tiamsis tus tub ceebxwm yeej hais rau koj haistias, “I pull you over because you are driving 70 mph in a 55 mph – *Kuv kom koj nres vim koj tsavtshab 77 mph ntawm txojkev 55 mph, koj ua txhaum txojcai tsavtshab tsis pub tsav tshaj li txojcai tau teev tseg. Koj ua siab ntev tos kuv mam li rov qab los.*” Thaum no tus tub ceebxwm mus sau daim “ticket – pib” txhaum txoj kevcai rau koj. Koj yuavtsum tau mus them

daim ntawv txhaum txojcai. Yog koj tsis them ces teebmeem yimhuab tshwmsim ntxiv tuaj. Nov yog nomtswv txoj kevcai los tswj kom tibneeg yuavtsum mloog nomtswv lus.

I. Vajtswv Txojlus nyob rau ntawm Kevcai tshooj 4 qhia txog Vajtswv tej kevcai tswjhw. “*Nej Yuav Tsum Coj Raws Li Tej Lus Uas Kuv Qhia Rau Nej, Nej tsis txhob ntxiv ib lolus rau tej lus uas kuv hais tseg rau nej lossis rho ib lolus tseg li.*” (Show Holy Bible)



Lolus tias “*Nej yuav tsum coj raws li tej lus uas kuv qhia rau nej.*” Nov txhais tau tias peb yuavtsum tsis txhob ntxiv ib cov lus rau Vajtswv cov lus. Peb tsis txhob muab coj los tswj peb yog Vajtswv tsis tau hais. Peb cov Lutheran yeej ibtxwm haistias, “*Peb yuatsum*

tsis txhob hais yog Vajtswv twb tsis tau hais.” Qhov yog peb yuavtsum tsis txhob ntxiv los rho Vajtswv Txojlus ntawm Vajtswv phau Vajluskub li. Tibneeg txojcai yog tsim los kav kom muaj kev ncajncees tiamsis peb yuav tsis lam tau lam haistias nov yog Vajtswv txoj kevcai yog Vajtswv twb tsis tau hais li ntawd. (Show important date)

Tej zaum qhov no yuav ua rau nej tsis totaub li. Vajtswv txoj kevcai tswjhwm yog li cas tiag?



Nyob rau Vajluskub Tshiab cov tubtxib qhia haistias Tswv Yexus Khetos twb los lawm, yog li ntawd peb tsis tas yuav coj raws li txoj kevcai ntawm Vajluskub Qub lawm. Tej kevcai xws li caiv nqaj npuas, nco txog tej “Important date - *hnuv tseemceeb*” ua “Pass Over - *kevcai hla dhau*.” Tswv Yexus Khetos twb los ua tej kevcai ntawd tiav hlo rau peb sawvdaws huv tibi lawm, yog li ntawd peb tsis tas yuav tau ua tej kevcai ntawd lawm. Tiamsis ib txhia “Jewish - *Yudais*” Christian tseem xav muab tej kevcai no rov coj los ntxiv rau Vajtswv Txojlus. Yog li ntawd cov thwjtim thiaj li qhia kom lawv yuavtsum tsis txhob ua li ntawd.

Paulus sau mus rau cov ntseeg Khaulauxais sau haistias “Therefore do not let anyone judge you by what you eat or drink, or with regard to a religious festival, a New Moon celebration or a Sabbath day. These are a shadow of the things that were to come; the reality, however, is found in Christ – *Yog li ntawd, nej tsis txhob pub leejtwg thuam nej haistias ua li cas nej tsis caiv kev noj kev haus lossis hnuv ua kevcai lossis hnuv hli xiab lossis hnuv Xanpataus. Tej ntawd tsuas yog tej uas yuav muaj los yav tomntej no tus duab xwb, tus uas tseemceeb yog Yexus Khetos.*” (Khaulauxais 2:16-17). Lolus no txhais tau haistias Yexus twb los ua tiav tag lawm, tibneeg tsis tas yuav caiv tej no li lawm.

- II. Cov ntseeg “Jewish – *Yudais*” nyob rau tiam ntawd xav yuam lwm cov ntseeg los mus coj raws li tej kevcai uas lawv ibtxwm ua. Nov zoo nkaus li cov “denomination – *Pawgntseeg*” niaj hnuv yuam kom lawv pawgntseeg yuavtsum coj raws li tej kevcai qub nyob rau Vajluskub Qub nrog rau tej kevcai uas lawv tsim. Xws li Tsis noj nqaj npuas, tua tsiaj theej txhoj etc. Yam uas sawvdaws hnov heev tshaj plaws mas yog hais txog kev haus dej cawv. Lawv haistias, “Yog koj haus cawv ces koj ua txhaum.” (Show alcohol)



Vim tibneeg pom tau tias thaum tau cawv lawm, yuav ua rau yus tsis meej pem. Yog li ntawd tus uas qhaugcawv lawm nws yuav mus ua txhaum. Tiamsis qhov no tsis tau haistias tibneeg yuav haus tsis tau cawv. Nej sim saib ib txhia yuav haistias yog koj haus cawv ces yuav uas rau koj tej siab, tej nyuv tej po tej plab yuav tsis zoo. Tiamsis tus thwjtim Paulus hais li cas ntawm, 1 Timautes 5:23 “Stop drinking only water, and use a little wine because of your stomach and your frequent illnesses – *Koj tsis txhob haus dej xwb, tiamsis koj yuavtsum haus mentsis cawv, koj lub plab thiaj tsis mob lawm.*” Nyob rau Yauhas tshooj 2:1-11


yog Yexus thawj txujci uas nws muab dej hloov los ua cawv. Yog thaum twg koj haistias “haus cawv yog txhaum” nov koj muab lus coj los ntxiv rau Vajtswv txojlus lawm. Vajtswv twb tsis tau haistias koj haus tsis tau cawv. Nov zoo tibyam li tibneeg haistias, ua phaib, laasvoos, mus saib movie tsis tau losyog yuavtsum noj nqaj ntse rau hnuv Friday xwb. Tej no Vajtswv tsis tau txwv kom peb tsis txhob ua. Tiamsis ib txhia ntseeg xav tias tej no yog koj ua ces txhaum. Lawv tsuas yog xav rau qhov zoo xwb tiamsis yog thaum twg koj hais tias tej no yog koj ua ces yog koj ua txhaum vim koj ntxiv rau Vajtswv Txojlus. Vajtswv twb tsis tau hais li ntawd. (Show picture of a Pharisee)



Nyob rau Yexus tiam, cov tibneeg Falixais muab lawv saib siab thiab haistias lawv yog cov tibneeg ncaincees thiab dawbhuv duas lwm cov tibneeg. Lawv caiv thiab yoomov ntau tshaj li Mauxes txoj kevcai. Lawv muab txojcai ntxiv rau Hnubso tias yog leejtwg tseem khwv noj haus ces yog ua txhaum. Lawv xav haistias lawv yog cov tibneeg zoo tshaj li lwm cov vim lawv muab tej cai no coj los ntxiv rau Vajtswv txojcai. Tiamsis nej muab ua tibzoo saib, nov yog lawv muab cov lus coj los mus ntxiv rau

Vajtswv txojlus lawm. Tibneeg niaj hnub nimno los lawv tseem ntxiv kevcai rau Vajtswv txoj thiab. Thaum lawv ua li no lawv xav tias lawv thiaj li yog cov ncaincees thiab dawbhuv dua lwm tus tibneeg. Tiamsis Vajtswv txojlus qhia meej meej haistias, peb yuav tau kev ncaincees dawbhuv ces tsuas yog los ntawm Nws txoj koobhmoov uas yog peb txojkev ntseeg cia siab rau Nws uas yog mloog nws txojlus ntawm Nws cov kevcai tswjhw. Los ntawm txoj kevcai peb thiaj li paub haistias peb muaj kev txhaum. Peb thiaj li paub lees peb tej kev txhaum ntawd kom peb tau kev zamtxim.

(Show Deuteronomy 4:2)



Vajtswv txojlus qhia haistias “*Tsis txhob ntxiv ib los rau kuv tej kevcai li,*” thiab “*Tsis txhob rho ib los tawm li.*” (Kevcai 4:2). Qhov uas tibneeg pheej yuamkev mas yog peb cia li hais txog tej lus uas Vajtswv twb tsis tau hais. Qhov uas tibneeg ua yuamkev ces yog tsis mloog thiab ua li nws Txojlus. Vim yog li no cov Tuamtsev thiaj li muaj teebmeem txog kev tsis sib haumxeeb. Cov tswvcuab xav kom Pawgntseeg cia li hloov los qhia kom haum lawv siab xws li, Tso cai kom muaj “abortion - *Tua tus menyuam tseem nyob hauv plab,*” “same sex marriage - *Txivneej yuav txivneej thiab pojniam yuav pojniam,*” thiab tso cai rau lawv mus


“deev lwm tus - adultery,” txawm lawv twb muaj pojniam muaj txiv lawm los lawv haistias, nyob ntawd lawv siab nyiam. (Show people praying to idol)



Tsis yog tej no xwb, cov tswvcuab tseem kom lub Tuamtsev tsocai rau lawv mus koom nrog lwmtus txog txojkev koom pe dab pe mlom. Tej Pawgntseeg tamsimno cia li haistias lawv tsis yuav li Vajluskub qhia lawm. Lawv cov lus teb Vajluskub li no: “Vajluskub sau tsis pub mus deev lwmtus xws li txivneej yuav txivneej thiab pojniam yuav pojniam vim haistias thaum tus tibneeg sau tej no yog nws khib losyog tsis nyiam ua tej ntawd xwb. Tiam ntawd yog lawv ruam dhau heev lawm.” Yog tibneeg ua li no tibneeg tsis yog ua li Vajtswv txojlus, tibneeg

muab Vajtswv txojlus rho tawm thiab ua raws li tibneeg lub siab nyiam lawm. Tibneeg tsim dua txoj kevcai los tswjhw tibneeg heevduas li mloog Vajtswv Txojlus.

II. Vajtswv Txojlus ntawm Kevcai sau haistias “Observe them carefully ... - *Nej yuavtsum saib xyuas lawv kom zoo ...*” (Kevcai 4:6). (Show Deuteronomy 4:6)



Mauxes hais li ntawd rau cov Yixalaye. Qhov tseeb tiag yog Vajtswv yog tus tswj ibpuas tsavyam. Nws muaj lub hwjchim kav txojhia thiab kev tuag, muaj lub hwjchim los rau txim rau tus ua txhaum thiab muab nws mus pov rau ntuj tawg, thiab muaj hwjchim pub tau txojhia mus ibtxhis los ntawm nws txojkev hlub

kev zamtxim. Vajtswv yeej tseem hlub tus uas tsis mloog lus. Vim li ntawd Vajtswv thiaj li txib nws tus Tub los theej tibneeg lub txim uas yog txojkev txhaum. Vajtswv txoj kevcai qhia rau peb kom peb paub ua haum Vajtswv dejsiab. Mauxes sau tias “Observe them carefully ... – *Nej yuavtsum saib xyua kom zoo ...*” (Kevcai 4:6). Nej sim saib Vajtswv “10 Commandment - *10 Nqes Kevcai Tswjhwm*” tsis yog rau cov ntseeg Vajtswv xwb. Txhua haiv tibneeg, txhua lub tebchaws yeej muaj kevcai zoo sis thooj coj los tswj lawv lub teb lub chaw ib yam nkaus. **(Show God’s Law)**



Vajtswv txoj kevcai tswjhwm yog tsim los tswj tibneeg ntiajteb thiaj li muaj kev “peace - *haumxeeb*.” Nws txojcai yog qhia kom peb tsis txhob ua phem, qhia kom peb pom qhov uas peb ua txhaum, thiab qhia kom peb txawj ua peb lub neej rau qhov kev ncajnnees. Yog li ntawd peb yuavtsum tsis txhob xav haistias peb ntse dua Vajtswv es peb yuav ntxiv thiab rho nws Txojlus, vim Vajtswv txojlus muaj hwjchim heev. Vajtswv Txojlus yuav hloov tau tibneeg tus cwjpwv thiab lawv lub siab lub ntsws. Txoj “Law - *Kevcai*” coj peb los paub thiab lees peb tej kev txhaum. “Gospel - *Txojmoozoo*” yog ntawm Tswv Yexus Khetos uas yog peb

txojkev cawmdim. Peb tsis muaj cai rho thiab ntxiv rau Vajtswv txoj kevcai tiamsis ua tus mlooglus uas yog hwm ua li Vajtswv tej kevcai uas Nws twb qhia rau peb lawm.

Muaj ntau zaug nyob rau hauv koj lub neej, thaum koj ntsib kev nyuaj siab ntxhov plawv, koj yuav tig mus nyeem Vajtswv Txojlus los txhawb koj lub dag lub zog. **(Show Deuteronomy 4:2)**

You shall not add to the word which I am commanding you, nor take away from it, that you may keep the Commandments of the Lord your God which I command you



Vajtswv Txojlus thiaj li sau haistias, “Do not add to what I command you and do not subtract from it, but keep the commands of the Lord your God that I give you – *Nej Yuav Tsum Coj Raws Li Tej Lus Uas Kuv Qhia Rau Nej, Nej tsis txhob ntxiv ib lo lus rau tej lus uas kuv hais tseg rau nej lossis rho ib lo lus tseg li.*” (Kevcai 4:2). Thaum koj nyeem Vajtswv Txojlus koj yuavtsum ua tibzoo saib thiab nug haistias “Kuv losyog lwmtus puas ntxiv los rho Nws txojlus uas tau hais tseg rau phau Vajlus kub?” Thov kom koj kawg Nws txojlus, tej kevcai qhia koj ua neej kom haum Vajtswv

dejsiab. Txhuayam koj yeej ua tau yog koj tig los mloog Nws txojlus. Txojlus ntawd yog txoj tseeb uas yog txojkev cawmdim ntawm peb tus Cawmseej Tswv Yexus Khetos vim nws twb qhia rau koj lawm. Asmees.

Thov kom Vajtswv txojlus pub rau peb sawvdaws totaub thiab tau nyob kajsiaib lug rau ntawm Tswv Yexus Khetos. Peb txhuatus uas yog Vajtswv cov menyuum, peb sawvdaws hais: